



12. august 2011
UKA 2011/131

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-
muuna saqqummiuppara:

Inuusuttut inersimasullu akornanni naqinnernik takunnissinnaanngitsut aamma atuarnernik allannermillu ajornartorsiuteqartut pillugit nuna tamakkerlugu iliussissanik pilersaarusiornissamut Naalakkersuisut peqquneqarnissaannik Inatsisartut aalajangiiffigisassatut siunnersuut.

(Inatsisartunut ilaasortaq Andreas Uldum, Demokraatit)

Tungavilersuut

Ullumikkut ajoraluartumik imaappoq innuttaasorpasuit soraarummeersinnaaneq ajorlutik. Inuit taakku ilarpasui ilinniakkamik naammassinnissinnaanngillat meeqqat atuarnianni iluamik atuarnissimanninnertik aamma/ imaluunniit atuarnermut ajornartorsiuteqarsimanertik pissutigalugu tasunga ilanngullugu naqinnernik takunnissinnaannginnertik pissutigalugu.

Naqinnernik takunnissinnaannginneq imaluunniit dysleksi tassaasoq ilinniarnissamut, atuarnissamut allannissamullu ajornartorsiuteqarneq. Ajornartorsiummut sorlaavoq arriitsumik imaluunniit eqqunngitsumik naqinnernik aamma naqinnerit tulleriinnerannik nipinngortitsisarneq. Akulikittumik- aammali tamatiguunngitsoq – ilaqutariit akornanni allat siumugassaasarpud atuarnissamut aamma ajornartorsiuteqartut, soorlu angajoqqaajusinnaappud, aniusinnaavoq aqqaluaasinnaalluniluunniit imaluunniit ataajunngikkuni aanaajusinnaavoq, poqeraluarlutik ilinniarnissamut, atuarnissamut allannissamullu ajornartorsiuteqartut.

Naqinninnernik takunnissinnaannginneq ataavartumi piginnaasanik millisaasuvoq, allattanik atuarnissanik annertuumik ajornartorsiuteqarnermik kinguneqartartoq (atuarneq, utertaarineq aamma allalluni oqaaseqatigiiliorneq). Naqinnernik takunnissinnaannginneq taamaattumik misigineqartarpoq akorngutitut angisuutut. Sukumiisumik atuarnissanaq aamma qarasaasiaq ilu-aqutigalugu atuarnermik naqinnernillu ilinniarnissaq pisariaqarluinnartuupput inunnut naqinnernik takunnissinnaanngitsunut.

Naqinnernik takunnissinnaannginneq aamma oqaluttariarsornikkut allatigut kinguneqarsinnaavoq atuarninnaanngitsumik allanninnaanngitsumillu soorlu allannermi oqalunermilu oqaaseqatigiilerinermi aamma ajornartorsiutaasinnaavoq, assigiinngitsuni oqaaseqatigiiliornermi ajornartorsiutaasinnaavoq aamma atuakkap paasinnaanut aamma ilinniakkap atuarnissaanut assigiinngitsutigut aamma ajornartorsiutaasinnaavoq. Tamatuma saniatigut aamma peqateqartarnkkut tarnikkullu naqinnernik takunnissinnaannginneq kinguneqarsinnaavoq: ilinniakkamik toqqaanarnermi killilersuutaasinnaavoq, imminut tatigiunnaarneq pilersarpoq aamma sulluunniit piffisartornarnerusarpud, atuagassanut aamma allatassanut tungassuteqartut.

Demokraatini inunnut ataasiakkaanut inuaqatigiinnullu pingaaruteqarluinnartutut isigaarpud, kikkulluunniit ilinniagaqalernissaminut soraarummeersinnaasariaqarnerat. Taamaattumik pingaartorujussuavoq innuttaasut atuarniarnikkut ajornartorsiuteqartut eqqortumik ikiorneqartarnissaat

piginnaanngorsarlugit, taamaasillutik ilinniakkamik naammassinnissinnaanngorlugit. Isumaqar-pugut taamaattumik piffissanngortoq ajornartorsiutinik eqqartuimmarata alloriaqqinnissatsinnut iliuuseqarlutalu. Partiit tamarmik eqqartorpaat, ilinniartitaaneq iliuuseqarfigineqartariaqartoq, qaffassaarusogisulli arlaannaalluunniit pineqartumut amerlanerusunik aningaasaleerusussuseqan-gilaq. Taamaattumik Demokraatini siunnersuummik imatut ittumik saqqummiussivugut.

Innuttaasut ikinnerusut atuarniarnikkut aamma allanniarnikkut ajornartorsiuteqalerpata taama amerlanerit soraarummeersinnaanngussapput ilinniaqqissinnaalerlutik, kingunerissavaa kalaallit suli amerlanerusut sulisinnaanngornerat.

Aningaasatigut allaffissornikkullu pisortanut kingunissai.

Siunnersuut aningaasatigut allaffissornikkullu pisortanut kinguneqassaaq. Iliuusissanut pilersaa-rut allaffimmiunit suliarineqartussaavoq taamaattumik pisortaqarfik suliaqarnissamut sulisussa-nik aningaasanillu immikkoortitsisussaassaaq, nuna tamakkerlugu atorneqartussamik iliuusissa-nut pilersaarutip sananeqarnissaanut. Suliaq pineqartoq Inatsisartut Naalakkersuisunut suliakkiis-sutaatut allatut pingaartillugu suliarineqassaaq. Demokraatini taggipparput, iliuusissanut piler-saarut piviusunngortinniarlugu ilinniagartuut aappaa avillugu sulisinneqarsinnaasut 500.000 koruunit nalinganut. Tamatuma saniatigut nutserisussanut aamma aningaasaliisoqartariaqassaaq. Aningaasartuutit pineqartut matussutissaannik Ilinniartitaanermut, Ilisimatusarnermut Nunanillu Avannarlernik suleqateqarnermut Pisortaqarfik aningaasaliiffigineqassaaq siumut isigisumik, ili-uusissanut pilersaarutip kinguneranik allannermik atuarsinnaanermillu ajornartorsiuteqartut siu-nissami ikinnerulersussaammata.

Aningaasatigut allaffissornikkullu namminersorlutik inuussutissarsiortunut kingunissai.

Siunnersuutit namminersorlutik inuussutissarsiortunut aningaasatigut allaffissornikkullu kin-guneqarnissaa naatsorsuutigineqanngilaq.

Aningaasatigut allaffissornikkullu innuttaasunut kingunissai.

Siunnersuut naligninnaasumik innuttaasunut aningaasatigut allaffissornikkullu akornngusiinavi-anngilaq, innuttaasulli atuarnermut ajornartorsiuteqartut imaluunniit naqinnernik takunnissin-naanngitsut naatsorsuutigisinnaalissavaat tunngaviusumik iliuusissanut pilersaarut, siunissami ikiunissamut tunngaviulluurtussaq. Ikiunissap pineqartup innuttaasut eqqartorneqartut aningaas-arsiornikkut atugarissaarnerulersissavai, piginnaasatik nutaat atorlugit soraarummeersin-naalersussaammata ilinniaqqinnissaannut tunngavissiiisumik.

Taamatut oqaaseqarluta qilanaarpugut Naalakkersuisut akissuteqarnissaannut taamatullu partiit allat saqqummiussassaannut.